

ایک کہانی

ماں کی دُعا

حضرت موسیٰ علیہ السلام کو یوہ واقعہ مشہور ہے جے اُنھاں نے اک دھیائے خدا کے دعا کی جے اے خداوند کریم، ہوں اُس شخص ناکنوں چاہوں ہاں جیہڑو جنت ماں میرے نال ہووے گو۔ اللہ تعالیٰ نے فرمایو ”اے موسیٰ توں فلائی جگہ چلیو جا۔ اُت اک قصائی رہ وہ جنت ماں تیرو گماہنڈی ہووے گو۔“ حضرت موسیٰ علیہ السلام لوڑتاں لوڑتاں اُس قصائی کی ہٹی پر پچ گیا تے ساری دھیائی کھلا تکتا رہیا جے اُس شخص ماں کھیڑی خوبی ہے جس کی وجہ تیں اُس نا یوہ مقام لبھو ہے۔ پر آپ نا اُس ماں کوئے خاص گل نہیں دی۔ جد شام نا قصائی گھر جان لگوتے موسیٰ علیہ السلام نے فرمایو ہوں بھی تیرے سنگ چلوں گو۔ اج ہوں تیرو مہمان ہاں۔ قصائی نے عرض کی ضرور چلو۔ آپ اُس نال ٹر پیا تاں جے یاہ گل جا کے تکیں جے یوہ آدمی گھر جا کے کھیڑی خاص عبادت کرے جس کو بدلو اللہ تعالیٰ نے یوہ عطا کیو ہے۔

قصائی گھر پچھوتے اُس نے اپنا بال بچہ سنگ کائے گل بات نہیں کی۔ وہ
سیدھا لیکن بڑھی کو لے گیو، اُس کو منہ ہتھ دھوایو۔ فراک ریچو لے کے بڈھیڑی نا
روٹی کھوالی۔ حضرت موسیٰ نے قصائی تے پچھو یاہ بڈھیڑی کون ہے۔ اُس نے
جواب دتو، یاہ میری ماں ہے۔

بڈھی جس ویلے روٹی کھا چکی تے اُس نے اپنا ہتھ چا کے دُعا کرنی شروع
کی۔ ”اے اللہ میرا اس بچہ ناتوں دُنیا ماں خوش رکھیے تے آخرت ماں اِس نا
حضرت موسیٰ علیہ السلام کے نال جنت ماں جگہ عطا فرمائیے۔“

حضرت موسیٰ علیہ السلام نے قصائی تے پچھو ”تیری ماں تیرے واسطے
جیہڑی دُعا منگے۔ تیرو کے خیال ہے یاہ دُعا اللہ تعالیٰ نے قبول فرمائی۔“

قصائی نے کہو ”مناں اتنی گل کوتے پتو ہے جے اللہ تعالیٰ نے میری ماں کی
دُعا کی وجہ تیں دُنیا ماں مناں ہر قسم کو آرام تے سکون عطا کیو وّو ہے۔ یاہ دعائے
قبول ہو گئی ہے پر مناں اس گل کو کوئے علم نہیں جے آخرت ماں مناں حضرت موسیٰ
علیہ السلام کے نال جنت ماں جگہ لبھے گی یا نہیں۔“

حضرت موسیٰ علیہ السلام نے فرمایو ”اے نیک آدمی توں خوش ہو جا۔ ہوں
موسیٰ ہاں۔ اللہ تعالیٰ نے تیری ماں کی دُعا قبول فرمائی ہے تے تیناں جنت ماں
میرے نال جگہ ملے گی۔ توں ہی جنت ماں میرو گماہنڈی ہووے گو۔“



1۔ لفظ تے اُن کا مطلب

تکنو : دیکھنو

فلانی : کائے جایا چیز یا شخص در سینی کرنو

گماہنڈی : نال رہن آلو

سنگ : نال

بڈھیری : بڈھی صورت

آخرت : مرن تو بعد کی زندگی

2۔ سوالات:

- (۱) ماں کی دُعا کہانی ماں کے پیغام دتو گیوہے؟
- (۲) حضرت موسیٰ نے اللہ تعالیٰ کو لوں کے کچھو؟
- (۳) حضرت موسیٰ کس کے گھر گیا؟
- (۴) قصائی کے گھر حضرت موسیٰ نے کتکیو؟
- (۵) قصائی نے اپنی ماں سنگ کے سلوک کیو؟
- (۶) اللہ تعالیٰ نے قصائی کی ماں کی کہیری دُعا قبول کی۔

3۔ لفظاں ناں جملہاں ماں برتو:

شخص، گماہنڈی، قصائی، بڈھیری، گل، دُعا، جنت